



სსიპ ბათუმის შოთა რუსთაველის
სახელმწიფო უნივერსიტეტი

6 ნოემბერი, 2024 წ.

ბრძანება №01-02/187

ბსუ-ს სადოქტორო საგანმანათლებლო პროგრამებზე 2024-2025 სასწავლო წლისათვის დამატებითი მიღების გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „ბსუ-ს დოქტორანტურის დებულების დამტკიცების შესახებ“ აკადემიური საბჭოს 2017 წლის 5 აპრილის N19 დადგენილების, „ბსუ-ს 2024-2025 სასწავლო წლის აკადემიური კალენდრის დამტკიცების შესახებ“ ბსუ-ს აკადემიური საბჭოს 2024 წლის 16 ივლისის N06-01/50 დადგენილების, „2024-2025 სასწავლო წელს ბსუ-ს სადოქტორო პროგრამებზე მისაღები კონტინგენტის განსაზღვრის შესახებ“ ბსუ-ს აკადემიური საბჭოს 2024 წლის 12 სექტემბრის N06-01/63 დადგენილების, „ბსუ-ს აკადემიური საბჭოს 2024 წლის 12 სექტემბრის N06-01/63 დადგენილებაში ცვლილებების შეტანის თაობაზე“ ბსუ-ს აკადემიური საბჭოს 2024 წლის 24 ოქტომბრის N06-01/86 დადგენილების, ბსუ-ს ჰუმანიტარულ მეცნიერებათა ფაკულტეტის დეკანის სამსახურებრივი ბარათის MES 3 24 0001409080 01.11.2024 წ. და ბსუ-ს საბუნებისმეტყველო მეცნიერებათა და ჯანდაცვის ფაკულტეტის დეკანის სამსახურებრივი ბარათის MES 8 24 0001429065 06.11.2024 წ. საფუძველზე,

ვბრძანებ:

- 2024-2025 სასწავლო წლისათვის გამოცხადდეს დამატებითი მიღება ბსუ-ს სადოქტორო საგანმანათლებლო პროგრამებზე ბსუ-ს აკადემიური საბჭოს 2024 წლის 12 სექტემბრის N 06-01/63 დადგენილებით განსაზღვრულ ვაკანტურ ადგილებზე (წინამდებარე ბრძანების N1 დანართი).
- დოქტორანტობის კანდიდატთა რეგისტრაცია განხორციელდეს **2024 წლის 7 და 8 ნოემბერს, 10:00 საათიდან 17:00 საათამდე** (ბსუ-ს პირველი კორპუსი, ოთახი N19, ქ. ბათუმი, ნინოშვილის/რუსთაველის N35/32).
- დოქტორანტობის კანდიდატებმა რეგისტრაციისათვის უნდა წარმოადგინონ შემდეგი დოკუმენტაცია:

ა) დოქტორანტობის კანდიდატის განცხადება (სააპლიკაციო ფორმა შევსებული წინამდებარე ბრძანების **N2 დანართის** შესაბამისად);

ბ) პირადობის მოწმობის (პასპორტის) ასლი;

გ) 2 ფოტოსურათი ზომით 3X4–ზე და ელექტრონული ვერსია CD დისკზე;

დ) მაგისტრის (ან მასთან გათანაბრებული) აკადემიური ხარისხის დამადასტურებელი დიპლომის ნოტარიულად დამოწმებული ასლი (2024 წელს კურსდამთავრებულთათვის - ცნობა აკადემიური ხარისხის მინიჭების თაობაზე, ბსუ-ს კურსდამთავრებულთათვის - ბსუ-ს მიერ დამოწმებული დიპლომის ასლი; უცხო ქვეყანაში მიღებული განათლების აღიარების დამადასტურებელი დოკუმენტის ნოტარიულად დამოწმებული ასლი (ასეთის არსებობის შემთხვევაში));

ე) ერთსაფეხურიანი, ხუთწლიანი უმაღლესი განათლების დამადასტურებელი დოკუმენტის მაგისტრის აკადემიურ ხარისხთან გათანაბრების დამადასტურებელი დოკუმენტი (სსიპ-განათლების ხარისხის განვითარების ეროვნული ცენტრის მიერ გაცემული; **შენიშვნა:** დასაშვებია დოქტორანტობის კანდიდატის დოკუმენტაციის მიღება იმ შემთხვევაში, თუკი კანდიდატს ცნობის მიღების მიზნით მიმართული აქვს სსიპ - განათლების ხარისხის განვითარების ეროვნული ცენტრისათვის ან ბსუ-ს კურსდამთავრებულია (ასეთ შემთხვევებში ბსუ-ს დოქტორანტობის კანდიდატი ვალდებულია წარმოადგინოს სსიპ - განათლების ხარისხის განვითარების ეროვნული ცენტრის მიერ გაცემული ცნობა ბსუ-ს სადოქტორო პროგრამაზე ჩარიცხვის აქტის გამოცემამდე);

ვ) წვევამდელის სამხედრო-სააღრიცხვო მოწმობის ასლი (ან სამხედრო ბილეთი, ასეთის არსებობის შემთხვევაში);

ზ) სადოქტორო კვლევითი პროექტის მოკლე ანოტაცია და სამეცნიერო ხელმძღვანელის (სავარაუდო) და პროგრამის ხელმძღვანელის თანხმობა (შევსებული წინამდებარე ბრძანების **N3 დანართის** შესაბამისად);

თ) სხვა დოკუმენტი, თუ ასეთს ითვალისწინებს შესაბამისი სადოქტორო პროგრამა.

4. დოქტორანტურაში მისაღები გამოცდები/გასაუბრება ჩატარდეს შემდეგი განრიგით:

4.1. მისაღები გამოცდა ინგლისურ ენაში (კონკურსანტს მოეთხოვება არანაკლებ B2 დონეზე ცოდნა) - **2024 წლის 11 ნოემბერი** (დაწყების დრო: 10:00 საათი; ჩატარების ადგილი: ქ. ბათუმი, რუსთაველის/ნინოშვილის ქ. 32/35-ში მდებარე ბსუ-ს N2 კორპუსში, აუდიტორია N110);

4.1.1. გამოცდის შედეგების გამოცხადება - 2024 წლის 11 ნოემბერი;

4.1.2. საპრეტენზიო განცხადებების მიღება - 2024 წლის 11 ნოემბერი, 14:00 დან 18:00 მდე, ბსუ-ს საქმისწარმოების სამსახურის (კანცელარია) მეშვეობით;

4.1.3. საპრეტენზიო განცხადებებზე პასუხის მომზადება - 2024 წლის 11 ნოემბერს (ეცნობება კონკურსანტს, მის მიერ სარეგისტრაციო განცხადებაში მითითებულ ელექტრონულ მისამართზე).

4.2. მისაღები გამოცდა სპეციალობაში (ზეპირი)- 2024 წლის 12 ნოემბერი (გამოცდის დაწყების დრო: 10:00 საათი; გამოცდის ჩატარების ადგილის შესახებ ინფორმაცია ეცნობება კანდიდატებს შესაბამისი ფაკულტეტის მიერ და განთავსდება ბსუ-ს ვებგვერდზე);

4.2.1. გამოცდის შედეგების გამოცხადება - 2024 წლის 12 ნოემბერი; (ეცნობება კანდიდატებს შესაბამისი ფაკულტეტის მიერ და განთავსდება ბსუ-ს ვებგვერდზე);

4.2.2. საპრეტენზიო განცხადებების მიღება - 2024 წლის 13 ნოემბერი, 10:00 დან 16:00 მდე, ბსუ-ს საქმისწარმოების სამსახურის (კანცელარია) მეშვეობით;

4.2.3. საპრეტენზიო განცხადებებზე პასუხის მომზადება - 2024 წლის 14 ნოემბერს (ეცნობება კონკურსანტს, მის მიერ სარეგისტრაციო განცხადებაში მითითებულ ელექტრონულ მისამართზე).

5. დოქტორანტურაში მისაღები გამოცდებზე კონკურსანტმა უნდა იქონიოს და წარადგინოს პირადობის დამადასტურებელი მოწმობა ან პასპორტი.

6. შეიქმნას **დოქტორანტურაში მიმღები კომისია** წინამდებარე ბრძანების №4 დანართის შესაბამისად (სამუშაო ადგილი: ქ. ბათუმი, ნინოშვილის ქუჩა №35, პირველი კორპუსი, პირველი სართული, ოთახი №19) და დაევალოს:

ა) მიიღოს და დაამუშაოს დოქტორანტობის კანდიდატთა მიერ წარმოდგენილი დოკუმენტაცია - 2024 წლის 7 და 8 ნოემბრის ჩათვლით, ყოველდღე, 10:00 საათიდან 17:00 საათამდე პერიოდში;

ბ) უზრუნველყოს შესაბამის სადოქტორო პროგრამაზე ჩარიცხვის უფლებამოსულებულ პირებთან ხელშეკრულებების გაფორმება - 2024 წლის 15 ნოემბერს, 10:00 საათიდან 17:00 საათამდე, ამ პირთა მიერ წარმოდგენილი დოკუმენტაციისა და პირველი სემესტრის სწავლის საფასურის (არანაკლებ 1000 ლარის) გადახდის ქვითრის წარმოდგენის საფუძველზე.

7. სადოქტორო პროგრამაზე ჩარიცხვის შესახებ ბსუ-ს რექტორის ბრძანება გამოიცეს 2024 წლის 15 ნოემბერს, შესაბამის პროგრამაზე ჩარიცხვის უფლებამოსულებულ პირებთან ხელშეკრულებების გაფორმების შესახებ სასწავლო პროცესის დეპარტამენტის სამსახურებრივი ბარათის საფუძველზე.

8. დაევალოს ბსუ-ს საქმისწარმოების სამსახურს (კანცელარია) განათავსოს ბრძანება ამავე სამსახურთან არსებულ საინფორმაციო დაფაზე.

9. დაევალოს სასწავლო პროცესის დეპარტამენტს დოქტორანტურაში მიღების გამოცხადების შესახებ განცხადების ტექსტის მომზადება და ვებგვერდზე განთავსებისათვის საინფორმაციო ტექნოლოგიების სამსახურისათვის მიწოდება.

10. დაევალოს საინფორმაციო ტექნოლოგიების სამსახურს ბრძანება განათავსოს ბსუ-ს ვებგვერდზე.

11. ამ ბრძანების აღსრულებაზე კონტროლი დაევალოს რექტორის მოადგილეს (ა. ბერიძე).

12. ბრძანება დაეგზავნოს რექტორის მოადგილეებს, ხარისხის უზრუნველყოფის სამსახურის ხელმძღვანელს, ადმინისტრაციის ხელმძღვანელს და ბსუ-ს შესაბამის სტრუქტურულ ერთეულებს: ჰუმანიტარულ მეცნიერებათა ფაკულტეტს, საბუნებისმეტყველო მეცნიერებათა და ჯანდაცვის ფაკულტეტს, სასწავლო პროცესის დეპარტამენტს, სამეცნიერო კვლევების სამსახურს, დამოუკიდებელ სამეცნიერო-კვლევით ერთეულებს, საზოგადოებასთან ურთიერთობის სამსახურს, საქმისწარმოების სამსახურს (კანცელარია), საინფორმაციო ტექნოლოგიების სამსახურს და იურიდიულ დეპარტამენტს.

13. ბრძანება ძალაშია ხელმოწერისთანავე.

14. ბრძანება შეიძლება გასაჩივრდეს ბათუმის საქალაქო სასამართლოში (ქ. ბათუმი, ზუბალაშვილის ქ. N 30.) კანონმდებლობით დადგენილ ვადაში და წესით.

**რექტორის მოვალეობის შემსრულებელი
პროფესორი**

მერაბ ხალვაში